

四書典故考辨

序

吾鄉戴靜齋先生著述甚多其尤精者四書典故考辨  
十二卷羣經釋地十卷詰嗣宗謝

文超

子揚

文越

兩君

藏其稿於家未能付梓文淇謹於二書中各擇數十條  
編爲兩卷寫成樣本吳陶伯中翰汪醇卿太史暨及門  
岑生仲陶捐貲刊刻雖所刻無多而吉光片羽實爲希  
世之珍俾讀者先覩爲快倘有好古者將二書全行刊  
布庶先生之學得以盡顯於世而兩嗣君謹守遺書惟  
恐失墜之意亦可稍慰云

咸豐元年十二月同邑後學劉文淇謹識

# 自序

漢人談經最詳典故吾家遠祖太傅公暨九江太守傳  
曲臺之學後世用奉爲經馬鄭諸君子因之作註其學  
由是大明魏晉以來代生賢哲更爲之引伸齊梁間學  
分南北唐命儒臣孔穎達賈公彥等疏之燦然大備第  
不加匡正固其體制當如是耳宋大儒專求義理視典  
故爲粗跡雖其精深微妙突過前人然空疎者未必不  
有所藉口前明尤甚觀三百年之經藝可窺見一斑矣  
我朝文教覃敷名儒丕振卽四子書考據者不下數十  
家誠足駕越漢魏何論唐宋流覽之下勤加采錄垂

二十載是者仍之非者正之闕者補之鱗次得千有餘條列孔孟年譜及其弟子考於卷首尊古聖也列記載註疏引用沿襲之譌於卷末砭俗儒也餘分十二卷顏之曰四書典故考辨無待考辨者弗及焉存之巾笥又十餘年庚辰夏予羣經釋地一書告成重加釐訂命及門僭兒輩錄爲清簡俾之傳觀客有見之者曰朱子四書集註學者尊以圭臬書中不無乖違奚其可予曰實事求是前人固言之矣吾輩著書爲朱子諍臣不爲朱子諛臣何害客又曰是特爲時文計耳時文家鋪張新艷馳騁才華已足聯掇巍科詎必擇醇疵別時代爲予

曰不然時文代聖賢立言考辨必精庶不敢目爲小道得失又何足計况有作者卽有識者哉客唯唯而退其夕漏下三鼓予棖觸不能寐錄之以弁於首

道光元年歲次辛巳仲春儀徵戴清靜齋氏叙於解經家塾時年六十有一

四書典故考辨

非其鬼

按鄭註人神曰鬼但據祖考言如任宿須句顓臾司少  
皞之祀蓼六守皐陶之祀是也若鄭之以璧假許田請  
祀周公衛成夢康叔曰相奪予享乃命祀相則非其鬼  
矣又尊卑有等如鄭立厲王廟魯祀文王立周廟三宗  
立桓公廟有乖諸侯不敢祖天子大夫不敢祖諸侯之  
義且王制祭法所云廟數有定親盡則祧若魯之不毀  
桓僖季氏以禱而立煬宮皆非其鬼也

祭神

註祭神祭外神也按王制夫夫祭五祀孔子於魯爲大夫則所祭乃五祀之神也五祀以月令戶竈中雷門行爲是馬端臨謂祭于宮中有主有尸此所以事如神在歟

子入太廟

按註謂孔子始仕入而助祭考史記孔子二十一歲爲乘田乘田屬牛人等職詳萬章周禮牛人掌養國之公牛祭祀共其享牛故得入而助祭

儀

按鄭註衛邑邢疏疑爲衛之夷儀考夷儀一在直隸順德府邢臺縣一在山東東昌府聊城縣史記孔子所適諸國皆不經此西征記以浚儀爲封人之邑與晉地道記同蓋今之開封府祥符縣又杞宋邑非衛邑一統志以爲開封府儀封縣

今改儀封廳

又云儀城在蘭陽西北二

十里蓋兩邑地本相接蘭陽之西北卽儀封之東南本樂史路史所云宋東明地孔子二次自衛適陳所必由也 又按儀封東至睢州宋之承筐西至蘭陽宋之戶牖南至杞縣鄭之鳴雁北至長垣衛之匡地西南至陳畱鄭之畱邑東北至曹縣曹之地東南與東同西北與



北同洵衝要之地哉

束帶立於朝

按凡冕服皆素帶而爵弁皮弁朝服元端皆緇帶爲擯

相者當服皮弁

赤自言端章甫乃謙詞

所謂束帶與賓客言者乃

緇帶也

按緇帶卽練帶士冠禮疏云練帶緇辟而云緇帶者據辟而言

古立字與位通

周禮小宗伯掌建國之神位故書作立鄭司農註立讀

爲位古文春秋經公卽立爲公卽位今泰山石刻猶如

此然則立於朝者卽左傳有位於朝也又按朝聘之禮

賓射則於治朝燕及燕射則於燕朝此當兼言

拜下

按周官司士孤卿特揖大夫以其等旅揖士旁三揖王還揖門左揖門右王入內朝皆退觀此則人臣常朝無

拜可知

按常朝有拜自秦始

而臣之見君當拜下者五

邢疏引燕禮酬賓及

觀禮賜車服二事證之未備

覲禮侯氏至郊天子勞之使者執玉授

命一也侯氏還璧二也天子入廟受覲侯氏奠圭三也

侯氏升致命王受玉侯氏降四也侯氏行享奠幣五也

侯氏升致命王撫玉降授宰幣六也侯氏請事天子辭

之七也擯者傳王命勞之八也天子賜侯氏車服九也

聘禮行享畢公用束帛禮賓賓受之一也賓行覲振

幣二也君使歸饗餼於賓三也賓齋君幣問主國之卿

卿大夫受四也按禮賓未啐禮之前拜而不下燕禮主人洗象觶實

之獻公一也按此公先拜受爵主人更爵酌膳酒自酢二也小

臣作大夫媵爵三也此時尚有拜下二次公取媵爵酬賓四也公

卒饌賓欲下五也此實未拜禮殺也凡下未拜有二或禮殺或君親辭公為賓舉

旅賓酌膳於觶下六也亦欲拜小臣請媵爵二大夫媵爵

七也長致於公八也賓升媵爵於公酌散下九也賓降

洗象觶升酌膳降十也公取賓媵之觶唯所欲受酬者

降更爵洗升酌膳降十一也公命徹冪卿大夫皆降十

二也按此時小臣辭不升成拜於下已拜也又按無算爵降席下奠爵拜疏曰禮末又輕也大

射禮二次射畢侍射者若飲公降洗角觶升酌散降一

也賓降洗象觶升酌膳以致下二也公卒觶賓進受解

降洗散觶升實散下三也士旅酬後若命復射司射命

射唯欲卿大夫皆降四也

按此合燕禮凡拜十六次以諸侯射必行燕禮也

公食大夫禮公拜至

此待他國之臣禮

賓答擯者延之升不拜

命拜後拜一也

升不成拜以爲已拜也君以爲未成宰故命之拜賓遂主人之意故更拜也

夫設正饌公再拜揖食賓降二也宰夫設加饌贊者辨

取庶羞之大者授賓賓祭之降三也公受宰夫束帛以

侑賓辭又命升受命降四也賓受幣出復入五也將復

食賓升卒食會飯凡三飲取梁與醬奠於階西六也

錄節

儀凡此五禮中有下拜而復升以成拜者正也有下而

未拜聞君命辭卽升拜者殺也有拜而不下者又殺也有下拜而君辭旣升不復成拜者自爲已拜也有下拜君辭升不成拜命拜後拜君謂未成遂君意也皆所謂禮也

### 上大夫下大夫

按圖考卿與大夫春秋皆謂之大夫分言之卿爲上大夫其大夫皆爲下大夫諸侯三卿司徒司馬司空無冢宰宗伯司寇司徒之下有小宰小司徒司空之下有小司寇小司空司馬之下事簡唯置小司馬凡五大夫就三卿分之司徒執政一人爲上卿亦曰冢卿其餘爲下卿亦曰亞卿介卿也總之皆爲上大夫如左昭四年杜

洩言季孫恒爲司徒叔孫恒爲司馬孟孫恒爲司空故  
三卿並將經書季孫斯叔孫州仇仲孫何忌是其次也  
孔子爲司寇下大夫當時與上大夫言與卿言與下大  
夫言與其同列言也三卿則季桓子斯叔孫武叔州仇  
孟懿子何忌也下大夫則茲無還申句須樂頤南宮敬  
叔公孫文伯榮駕鸞後反魯時上大夫則季康子肥叔  
孫州仇孟武伯彘也下大夫則公父文伯子服景伯富  
父槐閔馬父也然魯自成襄以來有四卿宣公弟叔肸  
之後爲叔氏有叔老叔弓叔鞅叔詣叔還皆書於經蓋  
三卿之外又有小卿亦上大夫孔子時定公哀公爲叔還也

余謂此章之朝自是孔子定公十年爲司寇時兼考哀公者以孔子返魯哀公問政問儒行等皆當朝也然昭二十五年適齊景公欲爲尼谿之封問政有君君臣臣之言當朝上大夫則高張國弱下大夫則晏嬰高發孫書梁邱據裔欵也定十三年適衛靈公致粟六萬有際可之仕當朝上大夫則孔圉史苟下大夫則公孫拔王孫賈北宮結祝鮀公孟彊史鮒蘧伯玉也定十四年適陳前後將五年以桓僖之災對閔公當朝上大夫則司徒轅頗司城貞子下大夫則司敗也哀公六年適楚昭王欲爲書社之封當朝上大夫則令尹子西司馬子期

下大夫則左司馬販申公壽餘葉公諸梁也是年返衛  
出公有公養之仕當朝上大夫則仲叔圉司徒瞞成下  
大夫則褚師比石曼姑也

### 變食

按註不飲酒不如葷本莊子彼註云葷辛菜說文則云  
臭菜鉗註通謂芸薑椿韭蒜葱阿魏之屬氣不潔者據  
此則葷不指肉自與周禮王齋日三舉之文不悖但云  
不飲酒則不然國語先耕藉三日王卽齋宮乃淳濯饗  
醴註謂王沐浴飲醴酒及期饗醴乃行是齋非不飲酒故朱子此  
註雖引莊子文而於家禮則云食肉不得茹葷飲酒不



得致亂仍未嘗以莊子爲據矣

### 席不正

按邢疏凡爲席之法天子五重

莞藻次蒲熊

諸侯三重

莞藻蒲

大夫再重

蒲莞三句見禮器三禮圖云士蒲筵長七尺廣三尺三寸無純

席南向北向

以西方爲上東向西向以南方爲上

圖考云此室中布席之法以西爲上

者統於奧以南爲上者統於堂也

是禮之正也或據鄉飲酒禮註賓席

牖前南面主人席阼階上西面介席西階上東面是禮

之正也或據曲禮羣居五人則長者必異席此禮之正

也或據席閒函丈疏古者飲食燕享列席南向不相對

相對者惟講說之席是禮之正也以上數說皆以不正

爲布席者失禮余謂孔門弟子布席皆有常法豈背乎此而爲不正者考公食大夫禮註長筵丈六尺司几筵疏先設者皆言筵後加者爲席夫子大夫席再重爲蒲莞輕而且滑卽席時觸而遷移者有之朱子或問曰必正席先嘗者席固正矣將坐而又正焉所以爲禮也曲禮主人旣迎賓則請入爲席賓旣升堂主人則又跪正席夫豈先爲不正之席至此然後正之哉蓋敬慎之至耳

### 廐焚

按叢說及禮疏廐養馬之閑也凡牧馬之數四馬爲乘

三乘爲皂三皂爲繫六繫爲廐一廐二百一十六馬牧  
馬之人謂之圉天子十二閑五良一駑駑三良馬之數  
諸侯六閑三良三駑卿大夫四閑一良三駑家語曲禮  
篇孔子爲大司寇按大字誤國廐焚子退朝而之火所鄉人  
有自火來者拜之士一大夫再雜記廐焚孔子拜鄉人  
爲火來者拜之士一大夫再亦相弔之道也二說不同  
余意此處所記當從雜記作私廐言若國廐則路馬亦  
重矣問人之後不當問馬乎

陳蔡

按史記武王克殷求舜後得嬀滿封之於陳是爲胡公

十一傳而至桓公

二十三年入春秋

二十四傳至閔公

即孟子之陳侯

周當孔子時又按陳都今河南陳州府其境有落桑古

蹟廣輿記據荀子云孔子絕糧於此故魯論繫絕糧於

在陳以其由陳至蔡故孟子曰厄於陳蔡之間史記蔡

姬姓文王第五子叔度武王克殷封於蔡後蔡叔與管

叔挾紂子武庚以作亂周公殺管叔而放蔡叔叔度死

其子曰胡改行率德馴善周公言於成王復封胡於蔡

是謂蔡仲九傳至宣侯二十八年入春秋

見杜氏世系譜

十七

傳至昭侯當孔子時考蔡叔封於上蔡

左傳杜註世本同

今汝

寧府上蔡縣蔡仲因之平侯遷新蔡今新蔡縣昭侯徙

州來左哀二年十一月是為下蔡今壽州所分鳳臺縣地孔子

時故蔡地皆屬楚然則陳蔡之間乃蔡地非蔡國也詳

子年或曰當在哀公二年蔡未遷時亦合楊倞注荀子

以為九月時未知所據又按陳都宛邱陳州府南三里南行壺

邱文九年楚侵陳克壺邱陳州府南大冥哀六年吳伐陳楚昭王救項城縣境楚

邲宣十一年楚令尹子重救上蔡縣西南蔡華莊十年

陳侵宋王待諸邲同上昭四年吳伐楚入繁陽襄四年

汝陽縣竟東南行楚櫟新蔡縣北計一百里至上蔡三百十里至

新蔡

長府

按四書釋地左昭二十五年公居於長府杜註長府官  
府名九月戊戌伐季氏遂入其門意其與季氏家實近  
酈道元曰曲阜在魯城中阜上有季氏宅宅有武子臺  
臺西北二里爲周公臺周公臺南里許爲孔廟卽夫子  
之故宅得孔廟所在則可知季氏宮由季氏宮又可想  
像而得長府地矣翟灝云長府蓋魯君別館稍有蓄積  
扞禦可備騷警之用季氏惡公恃此伐已故於已事後  
率魯人卑其閑閤俾後之爲魯君者無所憑恃其說亦  
可存參又按左哀三年夏五月辛卯司鐸火火踰公宮  
救火者皆曰顧府疑卽此長府魯人豈以火而爲之歟

年饑

按春秋哀公十二年春用田賦其冬十二月有螽十三年九月十二月皆有螽連年用兵於邾又有此災異所以年饑而用不足問有若當在此時

衛

按康叔始封都朝歌今衛輝府淇縣在河北禹貢冀州之域

孔子前

戴公廬曹通典云滑州白馬縣今滑縣文公

遷楚邱通典云滑州衛南縣今滑縣東六十里成公遷

帝邱今開州西南三十里並在河南周禮兗州之域

凡

至嗣君獨有濮陽衛所謂濮上閭百詩以爲在曹州

府濮州大事表以為在開州即帝邱蓋地相接也孟子時

孔子至衛凡五四在靈公時一在出公時此適衛當是

初至曲阜西行矍相圃射義孔子射於此曲阜縣西狸脰成十七年公孫嬰齊

卒於此同上衛鄆莊十四齊桓會諸侯於此南行濮水濮州南洮邑僖

年齊桓盟諸侯同上衛戚文七年公孫敖會晉侯於此衛鐵哀二年晉趙鞅

及鄭罕達戰同上衛于詩出宿于西南行至帝邱衛都開州西南

### 公叔文子

按世本獻公生成子當當生文子枝按此以文子名枝集註從之然左傳

公孫發杜註公叔文子禮記正義作拔拔與發音相近也疑世本誤枝生朱為公叔氏按左

傳拔稱公叔又按公叔文子襄二十九見傳定十三卒傳繫



之趙鞅入絳之後固十二月也孔子適衛在定十三年

春

按郊燔不致魯之郊在孟春

其猶及見也可知至文子之諡檀弓

加貞惠二字此但云文鄭謂文足兼之而其稱文由修班制睦四鄰不及薦饌故夫子特表其逸事也

### 原壤

按論語類考壤原憲之族周文王第十六子原伯之後

余謂周有原莊公

左莊十八逆王后於陳

原伯貫

僖二十五王以陽樊溫原贊茅

之田子晉晉遷原伯貫於冀

原襄公

宣十六晉侯使士會平王室定王享之原襄公相禮

絞

昭十二虐其與臣與人逐絞而立公子跪尋

原公子跪尋

見原伯魯

曹平公往者見原伯魯焉與之語不說學

原壽過

定元城成周

此類考所本然鄭

有原繁見莊十四晉有原軫見僖二十七原穀見宣十二原同趙

氏見僖二十四陳有原仲見莊二十七固未必定為周人也

衛至陳

按衛都帝邱僖三十一狄圍衛衛成公遷于南行山衛

浚衛風在浚之衛儀一統志云開封府儀封縣又云儀城在

歷宋雍邱哀九宋皇瑗取宋師于鄭圉昭五韓起自楚

圉杞縣南陳濮隱四衛人殺州吁于濮註陳防亭防有

五十里陳濮地水名陳州府北境即濮水

魯邦域

按魯在春秋實兼有九國之地極濟寧州魚項陳州府

郭

杜註附庸國在郊城縣界

郭濟寧州東南

根牟

沂州府沂水縣東南

魯所取也向

莒州

須句

泰安府東南

郛

兗州府

郛

沂州府

則邾莒滅之

而魯從而有之者也其疆域東西長而南北狹余考成

九城中城為魯之東境

江南海州沐陽縣大事表以棠為東境棠在濟寧州魚臺縣

非江慎修謂東跨蒙

哀二取鄆東田為魯之南境

滕縣南按

昭八大蒐于紅杜註蕭縣西有紅亭今江南蕭縣則魯之南境當至此然蕭為宋邑魯未必越沛縣而有其地

也大事表以中城哀十四獲麟于大野為魯之西境春秋

云西狩獲麟歐陽子曰西狩言遠也今濟寧州嘉祥縣南曹州鉅野縣東成二齊伐北鄙

龍泰安府泰安縣西南大為魯之北境顯與則在東境

中也

政逮四世

按周官掌兵曰邦政則此政指兵柄言四世孔註指文

武悼平朱註指武悼平桓閭百詩謂悼子未爲卿季之

得政始文子孔子之言發於桓子時當以文武平桓爲

四世江慎修說同斯爲定論考魯自隱元費伯帥師城

郎傳云不書非公命也

二年無駭帥師入極

林註大夫專兵之始

四年翬帥

師會伐鄭

林註大夫專將之始

十年翬帥師會伐宋莊二公子慶

父帥師伐於餘邱三年溺會伐衛

杜註疾其事命而行故不書氏

然未

世繼也僖十七公子遂滅項二十七年師入杞文九會

救鄭宣十公孫歸父

公子遂之子

伐邾取縶宣十公會伐莒

然亦二世而已惟僖元年季友帥師敗莒師於鄆此季  
孫氏主兵之始文十二帥師城諸及鄆成二會伐齊八  
年命宣伯會伐鄭文子之專兵也襄十一作三軍十二  
救台入鄆十三取邾十五帥師城成郛二十九取卞昭  
元伐莒取鄆五年舍中軍武子之專兵也昭十伐莒取  
鄭十一會謀救蔡二十六師及齊師戰於炊鼻杜註季氏師拒  
公平子之專兵也定六書公侵鄭公再侵齊六年帥師  
圍鄆雖曰陽虎爲之而虎乃季氏家臣桓子之專兵也  
僖四公孫茲帥師會侵陳此叔孫氏主兵之始文三會  
伐沈得臣之專兵也茲之子十四帥師伐邾彭生亦茲之子

專兵也成二會戰於鞏六年侵宋僑如得臣之專兵也

襄十一作三軍十五帥師城成郛二十三帥師救晉穆

子亦得臣子之專兵也昭五舍中軍昭子穆子之專兵也定

十圍郕武叔昭子之專兵也按得臣與彭生爲一世僑如與穆子爲一世故亦曰

四世僖十五公孫敖帥師救徐此孟孫氏主兵之始成六

帥師侵宋獻子敖之孫之專兵也襄十一作三軍二十伐

邾莊子獻子之子之專兵也二十四帥師侵齊孝伯莊子之子之

專兵也昭五舍中軍十年帥師伐莒僖子孝伯之子之專兵

也二十五助季氏伐公徒二十七伐邾敗公徒於且知

定十帥師圍郕懿子僖之子之專兵也按此爲五世但云四世者統於季孫

氏則四世不但屬季氏故下言三桓之子孫

子之武城

按曲阜東行經蒲圃

襄四季孫樹六榑於蒲圃定入陽虎將享季氏於蒲圃而殺之即此

曲阜縣東門外

庵里

古奄國成王時叛滅之

防山

僖十四季姬及鄆子

遇於防檀弓孔子父母合葬

昌平山

孔子世家孔子生魯昌平鄉即此

縣東近尼山

庚宗

昭四穆子去叔孫氏及庚宗哀入吳師伐我舍於庚宗

泗水縣東

自是東

北行由姑蔑

春秋隱元公及邾儀父盟於蔑定十二費人攻公仲尼命申句須樂頎伐之費人北

國人追之敗諸姑蔑泗水縣東北四十五里

而至武城

費縣西南九十里

中牟

按中牟有二一為晉地

論語左傳史記皆指此

一為鄭地

即今之中牟縣

漢置屬

河南郡佛肸以叛晉之中牟也

史記趙簡子夜范中行伐中牟佛肸叛是蓋范

中行氏邑鄭之中牟在滎陽

漢地理志三家分晉為魏地志又云趙獻侯自耿徙此非也

晉之中牟杜預註史記索隱漢志臣瓚註皆無指實張

守節謂湯陰縣

按本作蕩陰漢縣也今始名湯陰屬彰德府

西有中牟山中牟

當在其側辨正曰定九齊侯伐晉夷儀晉車千乘在中

牟

救夷儀

衛侯將如五氏

齊侯在五氏將往助之

過中牟五氏在今

邯鄲縣西南自開州至邯鄲湯陰其必由之路

按國語晉侯問

趙武曰中牟邯鄲之肩髀

今縣西五十里有中牟城然則張守節之

說殆近之矣愚觀顧宛溪方輿紀要江慎修鄉黨圖考

亦主張說參之管子書五鹿中牟鄴皆桓公所築以衛



諸夏

此三邑皆狄人窺中夏之路

春秋鄆邑今臨漳縣在湯陰東北

一百一十五里五鹿今大名府治又在臨漳縣東八十

里也至佛肸畔時史記孔子世家繫之二至衛後則哀

公二年事趙鞅與范中行相攻哀四年九月圍邯鄲

今

德府邯鄲縣

荀寅奔鮮虞

今正定府治

鮮虞納荀寅於柏人

今順德府

唐山縣西在正定府南二百里

五年春克柏人遂圍中牟

唐山縣西

正

因佛肸畔故則哀公五年事蓋據邑三載餘矣

### 魯適齊

按魯至齊一北行經洙水

莊九年冬洙洹深之備齊曲阜縣北二里

魯泗

上哀公八年吳伐魯次於

謹桓三齊侯送姜氏於謹

泗水曲阜北八里八齊人取謹肥城縣西

南闡哀入取闡 寧成桓六公會紀侯襄十六齊人圍

將墮成 寧陽 龍成二齊人圍龍 齊博哀十一公會吳

東北九十里 泰安府西南 齊博 伐齊取博 泰

安府 贏桓三公會齊侯 石門 隱三齊鄭盟 清哀十一齊

西南 萊蕪縣西 平陰縣界 伐魯及清

長清 盧 隱三尋盟 東北 寧成二年戰於鞏 華不注 齊

縣東 師敗三周華不譚城 莊十齊滅譚 夫子昭十陳桓子召

注 縣東北 譚城 縣治東 夫子昭十周與之夫

于長 徐關成二齊敗於鞏自徐 袁婁成二及國佐葵

山縣西 關入 淄川縣西 袁婁 盟 臨淄西 葵

邱莊八連梅管至父 造臺 昭二十齊晏 北臨淄 邱齊世

世都此今 一東行魯蒲圃 魯奄里 防山 昌平山

臨淄縣北 庚宗 東北姑蔑 以上詳子 齊艾 隱六公及齊侯盟

堂阜 莊九稅管子 北行陽 閔二齊人遷 沂山 周禮齊州

於此 同上 沂水南 鎮爾雅之

斥山也  
邱輿成二晉人入自邱輿  
馬陘同牛山晏子春秋

臨朐縣南  
擊馬陘益都界

景公遊此  
猗山見齊風  
齊都臨淄見

臨淄南  
同上

魯適楚

一西南行魯  
鹹文十二叔孫得臣  
曹重邱襄十七衛孫

縣東  
宋穀邱桓十二會宋  
衛儀封人請見  
宋戶牖哀十

北  
燕盟同上  
儀封廳

囚景伯釋之此  
鄭尉氏今尉氏縣  
鄭向襄十一諸侯伐鄭  
鄭

蘭陽東北  
氏縣鄭向次此今洧川縣  
鄭

許田桓元鄭以璧假  
楚汾邱襄十八楚治兵於  
葉葉公

葉南方城僖四見又文三晉伐  
武城僖六蔡將許見  
申

縣南方城楚門此  
葉縣南

本周初申國後入楚  
鄧本鄧國入楚

為邑今南陽治  
鄧本鄧國入楚

西南都楚都定六楚遷此亦稱  
一東南行魯兩觀史記

西南都楚都定六楚遷此亦稱  
一東南行魯兩觀史記

西南都楚都定六楚遷此亦稱  
一東南行魯兩觀史記

誅少正五父衢檀弓孔子鄆邑史記孔子父宰此昌平鄉史記

生尼山史記孔子父禱於此生邾漆閭邱襄十一邾

來奔鄆句繹哀二與邾盟繹山文十三邾遷范門哀七

伐邾魚門僖二十二邾人邾故都文十三前邾皆都此

里鄆水襄十九取邾田薛都隱十一同滕侯微山李吉甫云

上有微子宋合左師邑見襄留襄元楚侵宋蕭莊十三

叔大心為附庸後宿宿故都入宋西行宋襄桓十五會

州楚州來成七吳入此哀二遷蔡於慎哀十六吳伐楚

北櫟昭四吳伐繁陽襄四楚為陳叛在南行新蔡新蔡

冥阯定四楚左司馬請塞稷定五秦會楚與吳桐柏山

禹貢道淮於此同上西南行楚都鄢郢詳前自棗陽至宜城縣

魯適蔡

按下蔡卽楚之州來新蔡已入楚詳適由西北行蔡鄭

陽昭十九楚子在蔡鄭陽莘莊十荆敗蔡於北行至上

蔡今上蔡縣蔡仲之封

魯適秦

按西南行至宋戶牖詳楚又西行鄭原圃卽詩之甫草周

西時來隱十會鄭于此邲宣十二晉楚戰周唐昭二十

敗劉師於此洛陽縣東褚氏又二十六王宿成周周下都敬王徙

洛陽洛陽縣東王城周之洛邑邲成王定鼎地見宣號珪莊二

號公為王宮於此 澠池縣西 按洛陽西至新安道

路平曠自新安西至潼關古穀函地重岡疊阜道路崎

嶇 桃林 本武王放牛之地後屬虢晉滅虢後桑田 號敗

戎於此 西北行晉王城 見僖十五 驪山 見史記 秦侯

同 上 西畢原 文王葬此 咸寧縣西南 鎬京 武王都 邰國 稷

麗 右驪戎國 同上 岐山 文王時鳳鳴於 周原 太王遷此 又西則雍邑

封武 岐山 北 岐山縣 同上 秦都 鳳翔 寰宇記云二千里

秦都 鳳翔 寰宇記云二千里

魯入河

按一東北行至齊鞏地 詳道 然後西北行入馬頰河 平

縣 一西行至衛帝邱 詳道 西行由旄邱入河 開州

北 魯入漢

四書與說考辨

七

按西南行至楚鄆邑入漢詳適楚

魯入海

一東行至姑蔑

詳適齊

又邱輿

費縣北

費

季氏邑費縣

東南行艾

山

沂州府治西

中邱

又東北

中城

海州

東北入海一東北行至齊

之馬涇

詳適齊

斟灌故國

壽光縣

牟子故國

同上入海

邦畿千里

按四書釋地湯都南亳

括地志在宋州穀熟縣西南三十五里今河南歸德府柘城此

都河

至仲丁時亳都河決乃遷

音教

括地志榮澤縣故城在鄭州

南十七里殷時敖地也仍在河南

至河亶甲時又因河害遷相

括地志云在相

州內黃縣東南十三里今彰德府在河北

至祖乙時又遷於耿

括地志絳州龍門縣東南

十二里有耿城今山西尋又遷邢一統志北直順德府

至盤庚遷殷洛州偃師縣西四十里至武乙又遷朝歌

本妹邑在衛州東北七十三里一統志今洪縣又歸河北計南亳在極東耿城

在極西相距不止千里言千里者舉成數也

### 伐冰

按孔疏云左傳大夫命婦喪浴用冰喪大記士不用冰故知卿大夫上也若恩賜亦得用之但非其常故士喪禮賜冰則夷樂可也金履祥云伐冰斬冰也然斬冰有國之事若卿大夫則受冰之家非斬冰也豈卿大夫喪祭則取冰於公故謂之伐冰又按照四年傳其出也期



之祿位賓食喪祭用之其出入也時食肉之祿皆與焉  
杜註在朝廷治其職事就官食者孔疏在官之食有冰  
下云自命夫婦無不受冰謂賜之受以歸在家用觀此  
則伐冰宜兼食說注但舉其重者耳

### 序事

按此兼同異姓言宗廟之事如祭之前卜人卜牲卜日  
筮人筮尸筮賓將祭司徒奉牛宗伯奉雞司馬奉羊司  
寇奉犬司空奉豕甸師供粢盛及蕭茅果蓏籩人掌四  
簋之實醢人掌四豆之實酒正供五齊三酒醢人供五  
醢七菹鬱人和鬱鬯鬯人供秬鬯庖人供好羞遂人供

野牲澤虞供野蔬川衡供川物太史辨職事之位次小  
史敘昭穆之俎簋太宰視滌濯小宗伯省牲大司樂縣  
樂器祭之日雞人夜嘑旦蹕百官巾車鳴鈴應雞人司  
烜供明水明燭天府陳寶器守祧以服授尸太宰贊幣  
贊玉几玉爵大宗伯涖鬯奉玉盞小宰贊裸將太僕贊  
牲事御僕相盥而登俎肆師表粢盛告潔展器陳告備  
舍人供簠簋烹人供太羹鉶羹司尊彝詔酌獻太祝掌  
祝及號小祝贊奠及徹司士掌賜爵其王后之職事內  
宰贊后灌獻九嬪贊后薦籩豆內宗贊后薦加籩加豆  
外宰贊后薦羞齎世婦詔后之禮節內小臣徹后之俎

觀此則序事仍以爵爲序如幣尊於鬯鬯尊於裸故太宰贊幣宗伯涖鬯小宰贊裸皆有一定執掌而中庸以爲辨賢者蓋平日量能授職至此各展所長亦是辨賢也又按天子將祭選士於澤宮中多者得與于祭諒無不賢者此云辨賢亦是各展所長意或謂此是祭祀時辨賢實事司徒奉牛宗伯供雞尙是以爵序齒也亦通又論語每事問當卽指此事

河

按禹河故道子書經釋地詳考之矣據周譜定王五年

已未

魯宣公七年

河徙自宿胥口東行潁川

禹斷二渠自陰陽宿胥口一北

流爲大河一東流爲漯  
川見河渠書臣瓚註

以今輿地計之則經滑縣北清

縣南又東北爲長壽津河至此與漯別行東北經開州

西

兗州域

又經內黃縣東又北經清豐縣西又東北經南

樂縣西北又東北經南樂縣東北又東北經大名府元

城縣東而至沙麓山又東北經堂邑縣西又屈經其北

又東經清平縣南又東經博平縣北又東北經高唐州

西南又東北經平原縣西南又東北經其西北又西流

經陵縣西又北經景州南吳橋縣西又北至棗光縣西

北交河縣東合漳水復歸屬河故道又東北經滄州青

縣靜海天津入海春秋至西漢末皆行此道

道並行

按日月之行於天也有度有道由南北而縱分之謂之度由東西而橫截之謂之道日之行漢志有黃赤道宋志則云黃道卽中道黃色之中也日道居中月五星循左右而行故曰道獨謂之黃然赤道分天之半今古不易黃道本無定體因日行而爲之名耳漢志月有九行黑道一出黃道北赤道二出黃道南白道二出黃道西青道一出黃道東宋志亦謂月行青黑白赤道各兼黃道而言謂之九道江永云九道之說未確元郭守敬總謂之白道又洪範云日月之行則有冬有夏昭二十一

年傳日月之行分同道至相過也月令疏南北中半謂之赤道去南北極各九十一度餘此春秋分之日道赤道北二十四度爲夏至之日道赤道南二十四度爲冬至之日道據此則四時之道實於日月見之也其二云不悖者則以各在一天故詳前

### 鉄鉞

按註訓鉄爲斧此人所知者訓鉄爲莖斫刀當作斫莖刀蓋斫擊也莖者斬芻也斬芻之刀今之剗刀一名樵質文選註引倉頡篇鉄樵質也公羊傳曰不忍加之鉄鎖質鎖卽何休云斬腰之刑是也

魏地考

按蘇秦傳蘇秦說魏襄王據竹書當是惠王曰大王之地南有

鴻溝自中牟至祥符陳今陳州西華許鄆許州又鄆城縣昆陽今南陽府葉縣

北召陵同上舞陽南陽府新都屬南陽新野縣新鄴潁州府汝南

汝寧府東有淮潁今潁州府煮棗曹州無胥今濬縣西有長

城之界今陝州北有河外鄭州之東卷即衛雍今衍即

氏今酸棗酸棗縣今延津四書釋地云梁河東今之安

鄭州縣北十五里邑等縣梁亦有河西六國表魏入河西地於秦是也梁

河內今之河內濟源等縣梁亦有河外蘇秦傳大王之

地北有河外註云謂河南地是也河東西亦謂之河內

外左傳僖十五年賂秦伯以河外列城五內及解梁城  
魏世家無忌曰所亡於秦者河外河內是也至河內外  
則梁之河北河南地蘇代曰秦正告魏我陸攻則擊河  
內水攻則滅大梁是然則梁之地自河西逶迤而至河  
南幾將二千里從長而橫不足然已比韓猶大比趙實  
小也又案魏本都安邑安邑有險可守而又有文侯武  
侯之遺澤棄以與敵大梁平衍之地觀張儀說魏之言  
曰梁南與楚境西與韓境北與趙境東與齊境梁之地  
勢固戰場也梁南與楚而不與齊則齊攻其東東與齊  
而不與趙則趙攻其北不合於韓則韓攻其西不親於



楚則楚攻其南此所謂四分五裂之道也則梁之形勢可知矣

鄒至梁

鄒南行瀟水滕縣南微山同上楚小沛今沛縣蕭城今蕭縣宿故

都今宿州西南楚棘邑永城南西宋鴻口商邱東商邱宋都商邱

縣西宋襄牛睢州西宋承筐睢州西宋外黃杞縣東入夷門至大

梁梁封計今八百九十五里申古尺六二五申計一千三百

八十西里

帛

按帛有二一以幣言考工記纁氏凍帛虞書二帛贊左

閔二衛文公大帛之冠左襄八犧牲玉帛待於二境皆

幣也一以綿言玉藻童子不裘不帛內則十年衣不帛

襦袴

註爲其太溫

間師不蠶者不帛皆綿也卽禹貢豫州厥

筐之績

注績細綿也

左宣十二三軍之士皆如挾績者也此

處帛字註云非帛不暖當以綿言 又按草棉之種自

漢時始入中國古者衣著非絮

舊

卽績

新

老者衣帛則

少者衣絮可知

### 西喪地於秦

按史記載惠王喪地於秦無多論者多疑七百里非實

不知史記所載襄王事皆惠王政元事有竹書紀年可

據余嘗合而論之魏世家惠王九年與秦戰少梁同州韓城

縣虜我將公孫痤取龐韓城縣東南十七年與秦戰元里澄城

縣秦取我少梁三十一年秦將商鞅詐我將軍公子卬

而襲奪其軍惠王恐割河西之城詳後獻秦以和襄王五

年按竹書惠王後元五年也秦敗我龍賈軍於雕陰今鄜州圍我焦曲

沃詳後予秦河西地華州至同州六年秦取我汾陽蒲州榮河縣皮

氏絳州河津縣焦州七年魏盡入上郡于秦延安府鄜州秦降我

蒲陽隰州八年秦歸我焦曲沃十三年秦取我曲沃平周

汾州介休縣考陰晉今華陰縣東南五里為秦魏分界處陰晉少梁元

里龐上郡雕陰在河之西陰晉至元里二百六十里上

郡至雕陰一百三十里計四百三十里焦曲沃在河之南至陰晉一百九十五里汾陰皮氏蒲陽平周在河之東汾陰至皮氏二百八十里蒲陽至平周三百餘里計五百餘里其間或仍存魏地故曰七百里也 又按魏世家六國表惠王五年秦敗魏洛陰尙未喪地也十六年與秦會杜平二十二年與秦會彤襄王六年爲惠王改元之六年魏世家載與秦會應年表作雍尙通好會也秦眞玩魏于股掌之上哉

臣始至於境

按竟指分界處孟子自范之齊由平陸至齊范與平陸

皆齊之竟也范今曹州府范縣平陸今兗州府汶上縣

### 轉附朝儻

按轉附朝儻不載他書或云近水有山潮汐至旋轉如舞爭相附故謂之轉附朝儻似是一山孟子雜記朝音朝夕之朝齊有朝舞衛有朝歌皆以俗好嬉遊名其地似朝舞邑名而不及轉附管子戒篇作猶軸轉斛又不詳爲何地惟趙惠有轉附作屬萊州之說本寰宇記四書釋地云妄意此二山當在海東盡頭如成山召石山登之可以望海惟至海盡頭然後回轍循海之濱西行以南至琅邪亦可觀海計其自齊都臨淄一千三百里

抵于海復自海一千一百餘里至琅邪凡二千四五百里余考史記秦本紀漢書郊祀志載秦皇漢武所游自琅邪而北至之罘成山自之罘成山而南至琅邪則轉附當卽之罘朝儼當卽成山焦氏循云之與轉一聲之轉不與附古音通成山一名召石山此朝讀若朝夕之朝古訓朝爲召儼音近署石字古讀若暑也極是

### 遵海而南

按蘇秦曰齊北有渤海韓非子齊景公游於少海今自平州碣石南至登州沙門島皆爲渤海卽少海也孔穎達曰齊地當盡樂安北海之東境今濟南東北境皆濱

海青州之博興壽光濱渤海沂州之日照濱大海登萊  
二府當其北者爲渤海當其東南者爲大海白靈公滅  
萊襄東盡於海矣

瑯邪

按吳越春秋越既平吳北渡淮會齊晉諸侯徙都琅邪  
竹書紀年晉出公七年越徙都琅邪水經注琅邪越句  
踐之故都越絕書句踐平吳伯關東從琅邪起觀臺周  
七里以望東海顧棟高云春秋時琅邪爲今山東沂州  
府其所屬日照縣向係海曲爲沿海要地疑所謂觀臺  
卽于此按此事在景公後而四書釋地則謂青州府諸城縣東

南一百五十里有琅邪山下有城卽其處余謂青州南  
界沂州諸城在府東三百里琅邪在諸城東南一百五  
十里固未嘗不與沂州接也

### 湯放桀

按仲虺之誥放桀于南巢

蔡註南巢地名廬江六縣有居巢城

淮南子湯

放桀于歷山與妹喜同舟浮江奔南巢之山而死

按此則南

巢又山名

路史國名紀有巢則云南巢氏桀之封書序巢伯

來朝芮伯作旅巢命正義亦以巢伯爲南巢然則湯之  
放殆封之與又按閻百詩古文疏證云湯伐桀以七八  
月往所謂舍我穡事而割正夏者至次年三月復歸於



亳往返凡八九月武王伐紂以殷十一月戊子師初發  
後三日得周正月辛卯朔癸巳武王始發是歲閏二月  
至四月中復歸于豐其往來雖名爲六月實則五月蓋  
武王一戰而滅紂湯與桀戰於鳴條而勝桀東入山出  
太行東南涉河湯緩追之不迫遂奔南巢未免勞師遠  
逐此歸之所以遲速不同也南軒綱目前篇于成湯十  
八年乙未書王誓師伐夏又書王至東郊夫湯以秋往  
以春歸一年之間豈有先秋後春者乎當分作兩年書  
之方是鄭曉古謂商伐夏秋收時周伐商春耕時不知  
周之春今之冬也讀伶州鳩之言而知之矣余按湯伐

桀自東而西書序云升陟以與桀戰孔傳云陟在河曲之間孔疏云潼關左右樂史云陟山卽首陽山在河東縣南二十八里今蒲州府治孔傳又云出桀之不意蓋湯居南亳今歸德府商邱縣界在河之南由河南而行西至寧陵縣古葛伯國睢州有睢水渙水開封府杞縣有伊尹所生之空桑城有禹治水所築之肥陽城開封府治有浚水有逢澤中牟縣有圃田澤滎澤縣有滎澤新鄭縣有洧水汜水縣有虎牢河南府鞏縣有夏孔甲所田之荊山偃師縣爲商之西亳河南府治有洛水澗水瀍水新安縣古今控扼之地龍池縣有白石山永寧

縣有穀山有夏后臯陵陝州有底柱山潼關廳有潼水  
北渡河則蒲州府治折而東至解州所謂河曲也安邑  
縣北有鳴條岡西南有昆吾亭至夏縣則夏都安邑矣  
約計一千五百餘里

### 武王伐紂

按周本紀武王立九年東觀兵於盟

卽孟

津諸侯不期而

會者八百諸侯皆曰紂可伐矣武王曰女未知天命未  
可也乃還師歸居二年間紂昏亂暴虐滋甚于是武王  
徧告諸侯曰殷有重罪不可以不畢伐乃東伐紂觀兵  
之說程伊川力辨其無卽張子天命未絕則是君臣當

日命絕則爲獨夫意耳又云紂走反入登于鹿臺之上  
蒙衣其珠玉自燔于火而死武王入至紂死所自射之  
三發而後下車以輕劍擊之以黃鉞斬紂頭縣太白之  
旗已而至紂所嬖妾二女二女皆經自殺武王又射之  
三發擊以劍斬以元鉞縣其頭小白之旗尤荒悖不可  
信

逸周書同

吳氏曰湯武皆以兵受命然湯之辭裕武之辭

迫湯之數桀也恭武王數紂也傲疑其書之晚出非盡  
當時之本文也余按武伐紂自西而東武都鎬京在今  
西安府長安縣西南東行至臨潼縣有驪山高陵縣有  
涇水渭水富平縣有禹貢北條之荆山渭南縣有石鼓

山同州府華州府有華山朝邑縣有商原韓城縣有梁

山龍門山潼關廳陝州澠池縣

見前

孟津縣渡河至懷慶

府孟縣爲古孟津書所謂師渡孟津者也修武

殷

寧邑韓詩外傳云武王伐紂勒兵於此書所謂次于河

朔者也衛輝府獲嘉縣亦古寧邑縣東北五里有同盟

山李吉甫云武王與諸侯同盟于此衛輝府治及淇縣

爲紂牧野地書所謂陳於商郊牧野者也商都朝歌在

淇縣東北孔疏云周去孟津千里孔傳云孟津至朝歌

四百里

齊人伐燕

按黃氏日抄齊人伐燕有二當燕易王初立

周顯王三十七年齊

宣王十一年

齊宣王因喪伐之取十城

見燕世家

梁惠王篇所載

稱齊宣王者是也齊湣王之伐燕則乘子之子噲之亂

燕世家

公孫丑篇所載沈同之問可伐者是也余謂黃氏

之論不過以十城之取爲宣王事合之孟子耳然僅取

燕十城何得云五旬舉萬乘之國何得云取燕何得云

倍地燕十城雖失易王王燕如故何得云置君而去然

則梁惠王篇所載伐燕事卽公孫丑篇所載一事明矣

按二篇次序沈同章在前伐燕章次之取燕章次之燕畔章又次之

如謂子之之亂史繫

之湣王與孟子屬之宣王者異則有大事記之說在稽

古錄云宣王十九年詳前齊宣王條又按齊至燕由臨淄西北

行營邱 貝邱博興南齊千乘高苑縣齊無棣鹽山縣燕畱城

滄州北行又西北行至燕都

諸侯將謀救燕

按國策齊破燕趙欲存之武靈王名定索隱曰名雍乃以河東易齊

楚懷王魏襄王名槐憎之令悼滑惠施之趙請伐齊而存燕

又云楚許魏六城與之伐齊而存燕此將謀救燕之事

也趙世家惠文王十四年相君樂毅將趙秦韓魏燕攻

齊取靈邱十五年趙與韓魏燕共擊齊齊滑王敗走燕

獨深入取臨菑已兆于此矣

置君

按趙世家燕相子之爲君君反爲臣武靈王十一年

慎

王六年也徐廣註六國表引竹書紀年以爲在十二年

按武靈王十二年當周赧王元年正齊人伐燕時然今

竹書無

召公子職

燕公子也

于韓立以爲燕王使樂池送之

而燕世家子之死後燕人共立太子平是爲燕昭王

按

赧王三年無趙送公子職爲燕王之事當是趙聞燕亂遂立

職爲燕王雖使樂池送之竟不能就然亦可見當時固

有置君者矣

鄒穆公

按國策鄒穆公有令食鳧雁必以粃無以粟於是倉無



糝而求易于民二石粟而得一石糝吏以爲費請以粟  
食之公曰百姓飽牛而耕暴背而耘勤而不敢惰者豈  
爲禽獸哉粟米人之上食奈何以養禽獸夫君者民之  
父母取倉之粟積之於民此非吾之粟乎烏苟食鄒之  
糝不食鄒之粟也粟之在倉與在民於我何擇據此則  
穆公似能恤民者然以孟子之言觀之國策似未可信  
抑因孟子一言悟主改而側身修行發政施仁與

間於齊楚

按金仁山曰滕在今徐州北一百九十里滕縣古滕城  
尙在四書釋地故滕國城在今兗州府滕縣西南十五里又曰是時楚地東得彭

城

楚世家越滅吳而不能正江淮北楚東侵廣地至泗上

而齊自濟鄆以南至楚

則滕西南迫於楚東北迫於齊余考兗州府地春秋時爲魯國戰國時大半屬楚徐州春秋時爲宋地戰國時亦屬楚若齊之故都今山東青州府臨淄縣在兗州府東北四百餘里其屬邑有入兗州界者滕地在兗州與江南徐州鄰然則滕逼近楚地之正北齊地之西南而非其國都也

### 邠

按春秋傳杜註邠在今漆縣東北鄭氏詩譜邠屬扶風  
恂縣漢漆縣今邠州恂邑今三水邠州東北有幽邠亭

幽谷三水有幽城皆是也又按綱鑑王癸即三十二歲

公劉遷幽通鑑前編繫之商小乙武丁父二十六祀幽夏

父遷岐計周家在邠凡四百八十七年竹書遷岐在武乙元年又

按幽城在今三水縣西由幽西南行踰梁山乾州西北過郃

國武功縣率渭水上全至岐山岐山縣東北太王所遷之岐周則

岐山下之周原也計二百五十餘里

梁山

按正義引括地志梁山在雍州好畤縣西北十八里今

州四書釋地雍州有兩梁山一在今韓城郃陽縣兩壠

書治梁及岐春秋梁山崩爾雅梁山晉望皆是與孟子

梁山無涉孟子梁山則在今陝西西安府乾州西北五里其山橫而長自邠抵岐二百五十餘里山適界乎一百三十里之間太王當日必踰此山然後可遠狄患余考尚書大傳略說云太王遷岐國人從之者三千乘孟子正義引毛注云諸侯從者十有八國可爲如歸市作證

### 北宮黝

按高誘淮南子註齊人錢大昕主之謂國策載趙威后問齊使云北宮之女嬰兒子無恙則齊有北宮氏余謂不若從氏族略作衛人蓋衛之公族有北宮括

成十七年注衛

成公襄二十六年北宮遺襄三十年註括北宮曾孫

結定七年註但未知黜爲何人後何時人耳其云似子世系未詳

夏者韓詩外傳載子夏與公孫悛論勇於衛靈公之前  
曰吾嘗與子從君見趙簡子簡子披髮而見我君我從  
十三行後趨而進曰諸侯相見不宜不朝服不朝服行  
人卜商將以頸血濺君服矣使反服而見我君子勇不  
若我一矣又與子從君至阿齊君重鞬坐吾君單鞬坐  
我從十三行後趨而進曰禮諸侯相見不宜相臨以庶  
掄其一鞬而去之子勇不若我二矣又與子從君囿中  
兩寇逐我君我拔矛下格而還子勇不若我三矣據此

則子夏固無懼之勇也

### 靈邱

按史記齊威王時魏武侯趙敬侯韓文侯因齊喪共伐之至靈邱

田齊世家趙世家六國表

卽此靈邱趙注于此但云齊下

邑邢疏引漢地理志代郡有靈邱是誤以趙之靈邱爲齊之靈邱無論齊境不得至代北而敬侯時安得有靈邱蓋趙之靈邱以葬武靈王得名卽今靈邱縣也至諸家說齊之靈邱史記正義謂在河東尉氏縣時屬齊尉氏今屬開封府去齊亦遠胡三省通鑑註以爲卽漢清河郡之靈縣聞百詩謂其臆度于欽齊乘云滕縣東三

十里明水河之南有靈邱故城論者咸病其無據余考漢靈縣在今東昌府博平縣東北高唐州西南東昌爲齊之西境地與趙接故三晉得伐之胡氏註當從

齊滕之路

按臨淄西南行晝邑 過臺 葵邱 冢中 徐關

夫子 譚城 華不注山 厯下 鞏邑 野井 清

盧 石門 羸 以上詳下博泰安 南魯闔 寧陽 魯負

瑕 兖州府 休城 滕縣西 至滕國 滕縣西南十四里 約五百里一往一

來約千里合古尺一千六百里以吉行日五十里計之

道途之間蓋已三十餘日矣

千里見王

按此孟子先梁後齊之證自梁東行出夷門 宋雍邱

杞宋承筐文十一年叔仲彭生會宋襄牛僖二十八年衛侯出居於

此後屬宋宋睢州商邱宋都歸德府北行宋貫僖二年齊桓會江

曹南山僖十九年宋曹東北齊范范縣魯負瑕哀公四年

州魯龍僖公時齊圍齊博以下詳論齊羸 石門 盧

清 野井 峯 華不注 譚城 夫子 徐關

弇中 葵邱 遄臺 晝 臨淄齊本不止千里約言

之耳或云去梁當返鄒八百九十五里詳梁惠王復從鄒出

休滕縣北至齊五百里計一千四百里古尺申之則二



千三百四十里矣

過宋

按滕在今兗州府滕縣楚在今荊州府江陵縣宋在今

歸德府商邱縣自滕南行潁水滕縣偃陽沛縣宋蕭城蕭縣宋

宿邑宿州楚鍾離鳳陽府楚州來壽州楚慎潁上縣楚新蔡新蔡縣

楚冥阨信陽州楚直轅同桐柏山縣楚鄧楚鄧縣楚鄧昔襄陽府

東南行至郢宜城縣楚遷都又東南行至郢江陵縣楚舊都

過宋者宿邑西北行楚棘永城縣宋犬邱 宋陽梁 宋

南亳 而至商邱宋都以上皆商邱縣然後西行宋睢上同宋

承筐 襄牛皆睢州雍邱杞縣魏大梁祥符縣洧上 向城皆

川許田許州楚汾邱襄城縣葉邑葉縣方城同申城武城

宛邑皆南陽縣由楚鄧 楚鄧 楚都 而至郢一往一返

紆道五百餘里

往送之門

按閭百詩云此門乃父母家之門非所適壻家之門蓋婦人迎送不出門亦內言不出於梱故也余考桓三年穀梁傳禮送女父不下堂母送不出祭門諸母兄弟不出闕門註祭門廟門也闕門兩觀也在祭門之外可為此門字作證郊特牲云男出大門而先陳幣云大門女家之門劉向說苑拜辭父於堂拜諸母於大門則此門

也

晉國亦仕國也

按三晉未分之前穆侯時隰叔自周往晉文侯時叔帶

自周往晉趙世家獻公時舟之僑自虢往閔文公時公子蘭

自鄭往僖三王孫啟自楚往國語景公時析公自楚往巫

臣自楚往厲公時離子苗賁皇自楚往皆見襄悼公時

王叔陳生自周往襄平公時羽頡自鄭往襄三罕朔自

鄭往昭七高豎自齊往襄二公子干自楚往晉后子自秦

往昭元頃公時子成自宋往昭二定公時太叔遺自衛往

六哀十壯馳茲自吳往晉語三晉既分之後文侯時卜子夏

自衛往田子方自齊往武侯時吳起自衛往皆史記田文

自齊往

綱鑑

惠王時陳軫自齊往國策淳于髡鄒衍自齊往

張儀自秦往

史記

公孫衍自韓往

大事記

史舉自秦往

國策皆

嘗所誇張者也

### 於陵

按左昭十年傳陳桓子召子周與之夫子杜注濟南於陵縣西北有于亭據此則於陵卽夫子也漢立於陵縣故城在今長山縣西南二十里縣以長白山得名顧野王輿地志齊城長白山陳仲子夫婦隱處考長白山在臨淄之西由臨淄西行經葵邱渠邱袁婁社山

畫邑 約一百八十餘里

千有餘里

按諸馮

詳前屬豫州

南行渡濮水

濮州南

洮城

同穀邱

曹

曹州府北

都

曹州府治

戴都

考城縣

鄭原囿

中牟縣

西行鄭時來

榮澤縣東

鄭邨

新鄭

鄭京邑

榮陽縣

鄭虎牢

汜水縣

周唐

河南府治東

周褚氏

成周

王城

皆同上

號山

陝州

秦函谷

靈寶

桑田

同上

秦湖關

關

縣

晉瑕邑

同上

桃林塞

潼關

晉王成

朝邑縣東

魏臨晉

同州府治

山

臨潼縣

畢郢

長安咸寧二縣西南

秦咸陽

咸陽縣

古邠邑

武功縣

郃國

縣

扶風

岐山

岐山縣東北

周原在岐山下所謂岐周也計一千

八百餘里周尺二千八百八十里寰宇記云自濮州至

西安府一千六百五十五里宋尺也日知錄云隋係至岐周八百里云千餘里古尺小也然不得以此核算

曾子居武城有越寇

按四書釋地曾子所居爲南武城魯邊邑也在今費縣西南八十里石門山下吳未滅與吳鄰吳旣滅與越鄰越王句踐嘗徙治琅邪起館臺又嘗與魯泗東地方百里此豈待浮海入寇而後至武城耶蓋越旣并吳商魯之間可以惟兵橫行寇之興也何嘗之有余考六國表周元王四年越滅吳實哀公二十二年正曾子設教之時越世家句踐已平吳乃以兵北渡淮與齊晉諸侯會

於徐州當是時越兵橫行於江淮東諸侯畢賀號稱伯  
王寇武城當指此或謂左哀二十七年公欲以越伐魯  
去三桓因遜于邾遂如越越因此寇然按之左傳固未  
聞越人來也

舜避堯之子於南河之南

按竹書紀年帝堯五十八年使后稷放朱於丹水又云

帝子丹朱避舜於防陵此蓋奔堯之喪在平陽耳又按

堯治平陽

平陽府

舜治蒲坂

蒲州府

禹治安邑

夏縣

在大河之

北皆冀州也南河之南據集注爲豫州地蓋由平陽東  
南茅津濟河入河南陝州界計四百餘里是也劉熙謂

九河之最南者則鬲津矣今濟南府德州爲兖州地由平陽東北行殷墟渡河至德州約九百餘里張守節謂濮州鄆城縣偃朱故城卽舜避丹朱處今曹州府濮州爲兖州地平陽東行棘津渡河又東北至濮州約八百餘里似非

### 有莘

按呂覽作有佚列女傳湯妃有莘氏之女卽此莘也故當時有媵臣之誣四書釋地曰元和郡縣志故莘城在汴州陳留縣東北三十五里計其去商都南毫不過四百里

按今開封府陳留縣東北東行五十里杞縣又七十里入歸德府睢州界又東行百十里至商邱縣



故城在縣東南即湯之南毫所以湯使可三往聘若太姒所產之莘

國則在今西安府郃陽縣南三十里道遙遠矣余謂莘

更有三莊十年荆敗蔡師於莘在河南汝陽縣境三十

二年神降於莘在河南陝州東南桓十六年衛公子伋

使於齊使盜待諸莘成二年晉師從齊師於莘在今東

昌府莘縣皆與此無涉孫疏以莘為號地殊誤

去衛過宋適陳

按此孔子初次去衛也史記定公十五年去衛過曹適

宋適鄭而適陳考衛都帝邱大名開州東南行衛瑕邱濮衛

鹹左僖衛清邱左宣曹國都曹州府定陶縣曹屬地曹南行曹

南山

曹曹賈地

左傳

宋漆溝

春秋隕石於宋地

宋國都

歸德府商邱縣

西行宋襄牛

睢州

宋雍邱

開封府杞縣

鄭原圃

中牟

鄭時來

滎澤縣

鄭棐林

新鄭縣

鄭國都

同上

折而南行鄭洧淵

新鄭南

東南行

鄭許田

許州東南

鄭城穎

臨穎縣西北

東行陳辰林

陳州西

至宛邱

陳都

假道於虞以伐虢

按虢有二東虢在滎陽虢叔所封鄭滅為制邑

左隱此元年

為虢仲之封西虢也晉與虢有世隙觀左傳所載隱五

年曲沃叛王王命虢公伐曲沃而立哀侯於翼桓九年

虢仲伐曲沃莊二十九年兩侵晉可見賈疏云虞在晉

南山西平陸縣號在虞南河南陝州蓋是時晉都故絳平陽府翼城治在太

平縣南行渡澮水九原山見檀弓絳州北渡汾水絳州南安邑

縣東南行晉大陽見公羊虞上鄆平陸縣傳巖顛軫阪

虞都為號下陽又茅津渡河皆同上底柱山陝州東南則

號都上陽又按安邑縣東南三十二里有吳山一名虞

山一名吳坂跨夏縣平陸縣界戴延之曰自上及下七

山相重樂史云晉人假道卽此路蓋其地險峻屬之虞

也至過境本應假道見聘禮此特借以圖虞耳

不挾兄弟而友

按江永云古人以昏姻為兄弟既為友則有師道不可

謂我與彼為姻親有疑不肯下問也挾兄弟而友與挾  
故而問相似俗謂不挾兄弟多人而友兄弟多人有何  
可挾乎余謂江說本爾雅及僖二十五年公羊傳注當  
從之

### 秦楚之路

按秦楚往來楚至秦必陸從鄢郢今襄陽府宜城縣西

北行至麋庸二國地今鄖陽府禹貢經天柱山今商州

晉菟和商州秦武關商州梁商山同上按商山四面阨塞

而雷所謂七州城西行入嶢關入藍田界自武關至藍田

盤十二緝也皆行山中至藍田始出險就

平雍西北行終南山屬西安府畢原同鎬京上而至咸

陽秦都

今咸陽縣地

約一千二百里周尺一千九百二里秦

至楚從陸或咸陽東行鎬京畢原

見前

東南行入楚境

與安

石泉縣興安府治

楚地也

南行楚魚邑

由四川大寧縣至夔州府治

梁荆二州域

東北行楚巫郡

巫山縣

楚彭水

房縣

楚防渚

房縣地

梁荆二州界西山

鄖陽府

東南行至楚都約二千三百餘里周尺三千零三

十三里則更遠矣否則水行一秦人由蜀地乘舟浮於

汶

即岷山之江汶江在汶山縣

乘夏水

即漢水

而下江五日而至郢

今江

陵

一秦人乘船出於巴

今達州有巴江

乘夏水入漢四日而至

五渚

今岳州

如蘇代之言是也順流而下故速然經蜀道

崎嶇而後就水次更易耳

任

按路史任伯爵已姓帝魁母家

帝魁神農子

逮黃帝以封幼

子周之繼絕也以居風姓今濟陽之任城四書釋地任

太皞之後風姓今濟寧州任城縣是去古鄒城僅百二

三十里宜屋廬子明日即可往問余考任國東行經邾

邾邾平陽邾漆

皆邾縣

邾句繹

東南行邾嶧山而至鄒

以今尺考之僅四十餘里也

敬老

按公羊傳齊桓公訪郭亡於野臺對曰善善而不用惡惡而不去公招野臺而進之管子書管子相齊以九惠

之數一曰老大匡篇云敬老國良韓詩外傳齊桓公至  
麥邱遇老人曰叟年幾何對曰臣年八十有三桓公曰  
美哉與之飲善其言扶而載之自御而歸薦之於廟而  
斷政焉又云桓公至愚公谷見愚公焉善其言厚禮之  
且葵邱之會王使宰孔賜桓公胙曰以伯舅耄老加勞  
賜一級無下拜宜桓公之兢兢於敬老歟

### 魯至宋

按曲阜西行魯負瑕

滋陽縣

西南行過曹邑

今曹縣

南行景

山

曹縣東南

曹南山

又曹貫地

南

又而

至商邱宋都

未可以言而言

按如蘇秦始將連橫說秦惠王書至十上張儀說秦王曰臣聞不知而言爲不智知而不言爲不忠爲人臣不忠當死言不審亦當死雖然臣願言所聞大王裁其罪蘇秦從燕至趙始合從說趙王曰請屏左右白言所以異左師觸讐欲勸趙太后以長安君質齊太后盛氣揖之先至而自謝請以其子補黑衣之數魏太子自將過宋外黃外黃徐子曰臣有百戰百勝之術太子能聽臣乎是也

以上見國策史記

可以言而不言

按如范雎至秦王屏左右宮中虛無人秦王跪而請教



范雎曰唯唯若是者三秦攻趙長平大破之使人索六  
城樓緩新從秦來趙王與之計與秦城何如不與何如  
樓緩辭讓曰此非臣所能知也魏圍邯鄲申不害始至  
韓王問吾誰與而可申子曰此安危之要國家之大事  
也臣請深惟而苦思之乃微謂趙卓韓鼂二人各進議  
於王以微視王之所欲是也

以上見國策史記